



BOSNA I HERCEGOVINA
PARLAMENTARNA SKUPŠTINA
PREDSTAVNIČKI DOM

Komisija za ostvarivanje ravnopravnosti spolova u BiH

Broj: 01/8-011-35/03

Dana, 07.05.2003.. godine.

Z A P I S N I K

2. sjednice Komisije za ostvarivanje ravnopravnosti spolova u BiH, održane 09.04.2003. godine, s početkom u 09,00 sati.

Sjednici Komisije prisustvovali su:

- Jozo Križanović, predsjedavajući Komisije,
- Ljiljana Milićević, prvi zamjenik predsjedavajućeg Komisije
- Nadžida Mlaćo, drugi zamjenik predsjedavajućeg Komisije,
- Jelina Đurković, član Komisije,
- Ivo Lozančić, član Komisije,
- Seada Palavrić, član Komisije,
- Abdulah Nakaš, član Komisije.

Odsustvovali su (uz najavu) Hadžiahmetović Azra i Duraković Nijaz, članovi komisije.

Za sjednicu je usvojen slijedeći

D n e v n i r e d:

- 01. Usvajanje zapisnika sa prve sjednice Komisije,**
- 02. Verificiranje Orijentacionog plana rada Komisije za 2003. godinu,**
- 03. Informiranje o dosadašnjim aktivnostima Komisije,**
- 04. Tekuća pitanja**

Ad. – 1. Usvajanje zapisnika sa 1. sjednice Komisije

Nakon usvajanja dnevnog reda, predsjedavajući Komisije, Jozo Križanović predložio je raspravu i usvajanje zapisnika sa 1. sjednice Komisije. O zapisniku nije bilo rasprave.

Kako nije bilo rasprave, predsjedavajući Komisije predložio je usvajanje zapisnika, pa je Komisija jednoglasno usvojila zapisnik 1. sjednice Komisije.

Ad. – 2. Verificiranje Orijentacionog plana rada Komisije za 2003. godinu,

U uvodnom izlaganju za drugu tačku dnevnog reda predsjedavajući Komisije Jozo Križanović je ukazao na osnovne aktivnosti koje su se do sada odvijale po pitanju izrade i donošenja Orijentacionog radnog plana Komisije za 2003. godinu. On je istakao, da je izradi Plana prethodila šira aktivnost predsjedavajućeg i sekretara Komisije, koji su imali nekoliko

sastanaka sa vladinim i nevladinim organizacijama koje se bave *gender* pitanjima. Predložio je raspravu o Orijentacionom planu i eventualne izmjene i dopune koje mogu dovesti do veće i kvalitetnije aktivnosti Komisije.

U raspravi o ovoj tački dnevnog reda učestvovali su svi prisutni.

G-đa Ljiljana Milićević je predložila da se Orijentacioni plan u cijelosti pročita. Neke stavke u njemu su joj nejasne pa se pitala kakva je to aktivnost u mjesecu martu u vezi prijenosa ovlaštenja sa entiteta na državu iz oblasti zdravstva. Založila se za pomoć ženama u finansiranju zdravstvenih pregleda i za afirmaciju preventive kod ove populacije. Isto tako, založila se za veću edukaciju žena, kao i podizanje nivoa njene ekonomske samostalnosti, a te aktivnosti treba provoditi u 2003. godini, realizirajući ponuđeni Orijentacioni program.

G-đa Jelina Đurković je istakla aktivnost parlamentarki u njihovom obrazovanju, posebno pohvalivši odlazak u Crnu Goru. Predložila je da se izvještaji aktivnosti žena-parlamentarki nađu na sjednicama Komisije.

G-đa Seada Palavrić je podsjetila na aktivnost žena-parlamentarki i ocijenila potrebnim da se formira klub žena-parlamentarki koji bi imao kvalitetnu ulogu u afirmaciji ravnopravnosti spolova. Klubu je potrebno stvoriti osnovne uslove rada, pa apelira kod ostalih članova da je u tome podrže. Što se tiče aktivnosti Komisije u 2003. godini, pohvalila je predloženo u Orijentacionom programu, a za obiliske zatvora u kojima se nalaze žene, predložila je da se nešto više ta oblast istraži na način da se prikupe podaci i običu sve ustavnove u kojima žene izdržavaju kaznu zatvora ili su u pritvoru.

G. Abdulah Nakaš je u raspravi o ovoj tački dnevnog reda posebno govorio o zdravstvenoj zaštiti. Tim povodom je i predložio aktivnost koja je evidentirana za mart 2003. godine. Predložio je da, zajedno sa pravnim i zdravstvenim stručnjacima, pripremi krovni zakon iz oblasti zdravstva kojim bi se udarili temelji uravnotežene zdravstvene zaštite u BiH za žene, majke, trudnice. Isto tako zakonom bi se uredili osnovi rješavanja pitanje prekida trudnoće, a i pravo svakog građanina, zdravstvenog osiguranika, da može na teritoriji BiH birati ustanovu i ljekara za svoje liječenje. Po toj zamisli, matični zdravstveni zavod bi doznačavao prosječna sredstva zdravstvene zaštite, a ostalo, ako bi bilo skuplje liječenje, plaćao bi osiguranik. G. Nakaš istakao je neophodnost podizanja standarda zdravstvenih radnika koji je sada na niskom nivou, a novim prijedlozima bi se omogućilo bolje njihovo nagrađivanje, prema rezultatima rada.

Predsjedavajući komisije, g. Križanović je pratio raspravu i davao konkretne odgovore na mnoštvo pitanja. Podržao je inicijativu kvalitetnijeg pristupa zdravstvenoj zaštiti žena, smatrajući da se donošenjem zakona, osigurava veća prevencija i brže liječenje žena i založio se za brže donošenje zakona iz ove oblasti. Prihvatio je inicijativu da se iz Orijentacionog plana za mjesec oktobar briše riječ “najznačajnijih”, kao i prijedlog, da se običu sve ustanove u kojima žene izdržavaju kaznu zatvora.

Na osnovu provedene rasprave, a na prijedlog predsjedavajućeg, prihvaćen je Orijentacioni plan rada komisije za 2001. godinu uz sugestiju da se doradi primjedbama koje su prihvatili svi članovi Komisije.

Ad. – 3. Informiranje o dosadašnjim aktivnostima Komisije

Predsjedavajući komisije je u prilog ove tačke dnevnog reda istakao okolnost da je na sjednici od 01.04.2003. godine iscrpno prisutne obavijestio o dosadašnjim aktivnostima. Kako se približavalo vrijeme sjednice Predstavničkog doma PS BiH, predložio privođenje kraju ove sjednice zaključio treću tačku dnevnog reda.

Ad. – 4. Ostala pitanja

Za ovu tačku dnevnog reda nije bilo prijedloga razmatranja pitanja, niti bilo kakve diskusije.

Završavajući ovu tačku dnevnog reda, Komisija je završila svoju 2. sjednicu. Sjednica je završena u 09.40 sati.

SEKRETAR KOMISIJE

dr. Zijad Hasić

PREDSJEDAVAJUĆI KOMISIJE

Jozo Križanović